

泊鷗山房集

汨鷗山房集卷二十四

會稽 陶元藻 鳧亭

詩十

颶風行

鳴山嘯海倏忽猛勢趨城壕街東街西叫號鷄犬紛騰  
逃瓦飛如鳥低復高動搖柱礎難堅牢健如羣靈揭佛  
鉢鬧如龍戰翻波濤疾如陣馬怒馳突密如絲繭紛抽  
縑深居城郭尚股慄况乃千邨萬落無障蔽一棹正泛  
江之皋海上老人爲我言四日五日颶將作鬱蒸水氣  
神不怡犁頭破帆雲最惡長虹半截渴飲川性命須臾

無倚著大王之雄何足驚刀刀調調付一嘆我聞茲語  
怨孟婆蒼生何辜受汝虐安得摩天巨刃萬丈長剗斷  
颶母胚胎風伯腳

荔洲行

荔枝洲外菰蒲蒼荔枝洲上人語涼鴛鴦碎瓦時觸屐  
離宮別苑思茫茫經營半由龔監手樓臺複疊藥隄藏  
綠垣迢迢水縈帶結構欲奪秦阿房紅氍毹展白玉堂  
華鐙四照玻璃光翠翹珠雀分兩行舞衣飛出金鳳凰  
就中李妃眉更長桃笙夜炙琵琶張清聲百繞文杏梁  
海雲徘徊不能翔宮廚珍錯進絡繹寶嵌柳盤羅酒漿

美人如花白馥郁那數金鴨御倚香蠻方星月自揮斥  
但願年壽同天長江南已平西蜀下冑容盤踞殘南荒  
南漢驕淫有五閩顯德池臺稱第一風翦秋千索不牢  
降旗一片花閒出呼鑾道上狐叫號昭陵山前樹蕭瑟  
褒忠錄券賜錢鏐湖上祠堂尙崑岑

高涼行

六朝金粉英雄祖畫罷雙蛾便論武馮寶雖非柴紹能  
夫人卻勝平陽主繡幃初登大將壇閨中咳唾走諸蠻  
吳宮教戰羞孫臏漢代從軍笑木蘭高州刺史無羈束  
思竊江山變棋局一騎紅粧破柵歸轅門傾倒陳都督

高安再整舊貔貅手撫孤兒奏凱功百粵烏號挂春月  
三關刁斗凜秋風秋風春月流光錯鏡裏雲鬟雪痕薄  
臺城已見紙鳶飄景陽又感胭脂落懽聖稱神不計年  
江南禾黍故宮烟重逢犀杖來千里慟哭龍髯斷九天  
韋沈孫暄真草草魚軒管領蒼梧道蜚雨時飛海水寬  
珠翹屢定天山早銀甲瑯戈幕府尊褒封譙國璽書存  
南金螭紐夫人印宮錦花開壽母門襄陽市幙崇城闕  
轉眼英風盡銷歇惟有千年錦繡祠香魂長繞高涼月

柳珠歌

海南柳樹生柳珠豪家爭購千金輸五絲貫就一百八

界以碧玉紅珊瑚星星撫弄不忍釋珍愛直與牟尼俱  
或云驅瘴柳最重辨水多功能濟眾深山遠道洵所宜  
大宅朱門又焉用精華惟恃手摩挲躊躇何堪作清供  
柳不能香借物香合之則美離則傷柳兮柳兮奚足臧  
物生天地貴自芳

臘月十七夜對月

衣薄流風寒月色正清絕窗虛畫舫齋疑泛山陰雪

接家書

時望鄉書到開函笑語新忽生離別恨翻怪寄書人

讀列仙傳

分明見石髓欲啖成感傷矯矯嵇中散志趣空非常

度臘八日因憶乙亥歲與金圃山舟兩編修暨寶  
所舍人供佛作粥賦詩雪下宛如日昨也蓋不  
勝歲序遷流友朋聚散之感云

晨星落落判山川入臘情懷益惘然棹影誰尋溪雪外  
梅花索笑嶺雲邊吟箋夢續消寒社海月風吹浴佛天  
飽啜陽春香稻粥小窗叉手過殘年

題碧瀼樓

鶴雀與黃鶴飛薨兩崔嵬唐賢發高詠歷劫名不灰層  
樓宇碧瀼突兀南牆隈朱欄八窗外豁達心胷開天風

起蓬勃吹雨海上來峯峯洗寒色淨綠照我杯手拍元  
鶴背招引飛仙迴誰知城郭裏縹緲離塵埃水部有官  
閣兌檻徒觀梅作賦非登高何由騁雄才願同蘇子瞻  
樂翰凌虛臺

蝸牆聯句

分蟻介委蛻

梁國治

立壁屹積鐵爬沙得礫硤

陶元藻

縮版

規瑣屑功成巧者奇

國治

利禪壇人缺生面開蠻疆

元藻

相創揚越伊惟螭所生南溟中一物洪漣細胚胎

國治

沫巧聯掇種嘉螯田收

元藻

氣靈鹹潮結

國治

黨族蟹虵螯

元伯仲蚌蛤蚨

國治

璞賦蜎蠓淩岈議馨臭絕陽光藥制



嚴

元藻

陰賊經戒切佐柳蝦蟇餐

治國

隨謝海月擷盤飢棄

餘腥

元藻

軀殼擲殘啜

治國

如象齒朽腐

元藻

如丹砂明滅如

婦老施鉛

治國

如土塊凍雪或白如琯琯

元藻

或碧如瑟瑟

依微皺層雲

治國

昏黃剖半月其形環玦模

嚙

治國

有工顧而曰作牆文且質非卵累何危

元藻

離土負

自潔登登以憑憑

治國

言言復仡仡三道昌州圍

元藻

十步

咸陽折重基錮泉扃

治國

峻障齊木末西齋黃銅愚

元藻

東

微赤石拙伯魚而懊惱

治國

考父循怵惕齒齒圭稜多

元藻

鱗鱗營湊密椒塗豈其然

治國

粉堊固知不紋刻仙冠排

藻

筋努鬼拳列膚剝疥駝零

治國

蹄擁病馬則蟲蟻走崎

嶠

元藻苔蘚裏凹凸抵觸角響崩

治國

豕摩痒膚悅鼠牙怯

穿牆

元藻

鄰火廢鑽穴漫許踰垣避

治國

那能鑿坏逸誰欺

及肩窺

元藻

休矣屬耳察鸞帆笑非真

治國

鼉梁畏同嶠支

床龜得鄰

元藻

舉杯螺遇匹離連鹿眼斜

治國

簾映蝦鬚徹

贅語私斷痕

元藻

蝸涎轉外骨鞏固齒依唇

治國

擁腫蛭負

歷合置湘君廬

元藻

宛入鮫人室蠡測驚呼嶸

治國

蜃沈駭

嶮嶭魚腸劍可挂

元藻

龍皮扇常匿詎誇亞字雕

治國

靡濫

蕩城漆堯葭堵未堅

元藻

琉璃葺猶劣垂繁荔帶雲

治國

畫

少旗亭筆踏駁梅瘴侵

元藻

哈呀榕鬚拂燕翩雙雞過

治國

杏棨一枝出周環風雨遮

元藻

鏐縫煙霞抹夢等甲子遙

淮陽山房集 卷三  
國力敵丁卯訪傳築勲回崇

元

伊烹用何濶崖底思江

湖國坐對春浪活

元

潮州竹枝詞四首

葫蘆山下住蠻娘新締絲蘿馬上郎得致檳榔一千口  
勝他鄰女有烏羊

湘子橋頭夜色清上元鐙火接春城揭陽美錫潮陽匠  
製徧長檠又短檠

不爲迎貓祀虎忙吹螺打鼓鬧山莊幾梳蕉子葉於酒  
蟻祖祠前夜進香

騎鱷潛形戶戶安畱衣舊事漫譏彈若非刺史真賢吏

那許江山並姓韓

初至湖州遊黃尚書西園擅竹樹池臺之勝遂卜

居其中喜成二律

漫道浮踪等雪鴻商量邱壑置衰翁偶來山郭千家裏  
一釣風潭百頃中書瘦卻憐蕉葉大頤饒恰遇荔支紅  
藍田金谷遊曾慣難得相逢在嶺東

老樹千章夾逕生慙余麋鹿舊心情雲隨嬾散人同住  
月照清癯鶴獨行裂石有痕窺太華殘灰無影辨昆明  
風吹響籟空廊下幾悞尙書曳履聲

長樂舟中

浮鷗真類我泛泛荻洲閒寒雨隨孤棹秋聲落百蠻白  
搖穿樹水翠滴隔城山空向帆檣外天涯悵未還

揭陽縣署頗有林塘之勝爰吟二截句

千家郭內小蓬瀛榕樹陰森海氣生人在魚梁秋色裏  
坐看潮漲又潮平

琴亭酒榭俯澄潭深淺煙光滿鏡涵幾點寒鴉一行柳  
教人重賦望江南

周太守容齋金明府爾佩過西園

廚儉無兼味朋來盡日留溪堂晴射鴨釣石醉盟鷗逕  
狹花妨帽波寬月戀舟休言市朝事來往卽羊求

酬容齋太守餽絲麪

白紙斜封印未銷，開緘縷縷畏風飄。  
翦來白髮三千丈，數出冰絃四十條。  
應識牢丸同粵味，不須焦麥佐顏瓢。  
樽前大放殘牙嚼，誰笑東方腹是枵。

詠案頭英石小山

須彌初向芥中呈，硯北峯巒突兀生。  
淘洗無根非匠琢，玲瓏有罅放雲行。  
影依秋士三分瘦，骨鬬殘詩一削清。  
老米不來真鑒少，與誰同訂小山盟。

迎春詞

軒庭蕙草光風轉，金翦初成漢宮燕。  
曼衍魚龍百戲呈，

銀旛影動承華殿。黍谷陽隨玉律回。椒花頌與春盤薦。  
勾芒乘令土膏融。萬國農歌起芳甸。一夜東風度嶺來。  
枝頭吹綻紅香片。絲絲舊雨入新年。泚泚春潮漲邨堰。  
汀草汀花生氣盈。鴨頭綠染澄江練。日南交趾連扶桑。  
斗杓東指雲路長。海天一氣浮青蒼。春臺熙熙士女樂。  
紛擊蠻鼓烹牛羊。霽色雲開五光疊。晴窗墨暖來禽帖。  
柳枝已拗打春鞭。桃葉方迎渡江楫。廿四番風花信初。  
南園飛出雙蝴蝶。

題文與可畫竹二首

整整斜斜致不羣。吳興墨妙可凌雲。分明萬箇連昌影。

頭白宮人說與君

瀟湘煙雨接空濛都在鵝溪素總中誰向筆床茶竈畔  
平安一一報春風

題何廸亭家所藏錢舜舉畫葛稚川移居圖

藍田松竹清有餘羅列彝鼎堆奇書春缸酒滿招飲吾  
醉觀一幅煙雲圖稚川先生蛻千載移居舊事今模糊  
誰其畫者錢舜舉傳神阿堵名匪虛烏牛背上影笑兀  
方瞳翦水髭蕭疎華陽巾幘覆絲髮仙骨自與常人殊  
旁觀識是勾漏令雙鳥又類王喬臆夫人最後騎一特  
長眉紅頰鮮衣裾小兒嬌啼猶在抱蘭芽秀映瑤環瑜



大兒善飯長過膝能跨牛尾母手扶迢迢先導崑崙奴  
高顙深目張虎鬚捩擋行李一肩重盈筐瓶竿兼丹爐  
羝羊毛色雪片羸成羣三五不待驅令令一犬名韓盧  
且行且止芳潤隅中有兩婢窈窕姝明眸回盼麗且都  
前擬飛瓊後鮑姑泥金字織紫綃袖靈飛六甲真人符  
南山南移北山北煙霞不斷相縈紆神仙踪跡非海外  
秦皇漢武何其愚丹青有權仙有氣媿我句拙塵難除  
勸君燒芸更拂拭慎勿輕飽紅蟬魚仙乎仙乎不可卽  
晴窗展卷心踟躕

同顧光祿秋亭鄭宮坊炳也讌集九曜書堂

亭邊石丈許同參零落熙寧字可探入座且教刪揖讓  
銜杯何必到沈酣禽聲上下濃陰竹欄影橫斜淨綠潭  
正是杏花春雨日那堪蠻徼話江南、

過長壽庵飯訖贈德上人

曉出重城氣次寥琉璃法界妙香飄吟花有句難緘口  
佞佛無心嬾折腰村社鼓喧裙屐盛食單人議蟹鉏饒  
清閒只許彌天釋同倚危樓看海潮

得陸大田編修肇慶來札卻寄一律

黎猺風味是誰諳相隔書簞萬疊嵐爭說生徒師趙德  
還將草木狀嵇含蠻方寄食同衰老秋雨開緘勝晤談

濃翠星巖如白鶴道旁親種幾株柑

余在廣州得一僕年始冠嫺五經左史詢其祖會  
仕楚中父兄皆嶺西諸生相繼病歿貧無所依  
願就執鞭之役余憐而遣之因紀以詩

王褒僮約墨初濃淚滴西來落寞蹤  
樂氏那堪終作隸文園無奈竟爲傭  
憐渠執卷通三篋扶我看花過幾峯  
老去才輸蕭穎士漫勞奴愛遠相從

惠州舟中作

銅魚何處訪羅浮來續東坡嶺外遊  
薤菜田收餘篋在聳人村徙斷垣  
畱每逢塔影城將近偶繞山根水便幽

强醉檳榔舵樓底黃茆瘴裏過循州

秋日獨坐適劉松航侍御至欣然有賦

瑟瑟溪光到畫欄方空明徹見林巒殘書字古同誰煮  
寒菊英多待客餐閱世已知河九曲聯吟休惜墨千丸  
譚心只有劉公榦時訪幽人過考槃

泊蓬萊灘

落日空江上歸雲共鳥還舟停逢翠碕水立阻關關詩  
境淡方進名心老漸刪奔流如此急翻覺旅人閒

過九連山

連峯突兀排天闔石樓大帽爭低昂海風吹雲雲不斷

兜羅綿底龍鸞翔陰森古榕一千本  
襍以栝栢楓楠樟  
嵩高少室三十六分來九點煙青蒼  
城狐社鼠得憑藉  
銅馬馳突蒼鵝張陽明手秉南顧鉞  
眞能擒賊先擒王  
剡頭穴掃風鶴恐追奔窮寇焚茲岡  
豺狼窟裏見雞犬  
賣刀買犢勤耕桑野翁指點種秫處  
時時掘出金刀鎗  
聖朝聲教訖萬里無雷日出謳虞唐  
太平百年仇莽絕  
氣通清澈無包荒兵戈雖晏險阻在  
誰其守土寧相忘  
中峯最高形特秀雲巖縹緲神姝粧  
懸車束馬不可上  
繭足那鬪猿猱强安得仙人九節杖  
上看杲日升扶桑  
泛韓江值大風舍舟而徙由湘子橋  
入城

老鴉洲上天氣融江光潑眼如青銅海門一點雲影黑  
倏忽水面號陰風渾疑怪鰐返故宅揚旗搥鼓鼉鼉宮  
鼉船行樂紈袴子擲醪沈醉羅裙紅那知貧寒仰屋歎  
黃茅席捲三重空長橋一百八十丈蒼龍起伏洪濤中  
浮梁排列鎖紐壯奔湍摩戛聲殷隆予驚水涌客亦怖  
凜乎赤壁遊坡公青輶入城足力軟支柱健僕心忡忡  
乘風若許生羽翼一舉千里將安窮梅汀源遠水力大  
矧當助虐飛螭雄磯頭涵洞稱鞏固猶虞崩壞妨農功  
臨流媿乏砥柱手爲民一障狂瀾東

遊翠光巖

蒼蒼翠光巖突兀石長在孤堆卓圓螺巨片疊橫黛巖  
以雲與煙舊骨作新態驅來萬牛車恃重不可載南溟  
波軒然難澆此碗礪仇池小有天一線明在內鐘魚空  
中間漏日炙僧背梵王守重圍幽險殊可愛密竹兼疎  
花茶鼎藥臼配欲歸不忍歸三兩客相對松風激鳴泉  
人語聲瑣碎

余有瓜瓞硯一枚石質甚細製法絕佳爲人所盜  
徧求勿得也作詩弔之并以誌憾

磨刀入水判羚羊肌理細膩如截肪東陵遺種形磊落  
天風吹落圖書旁蟾蜍滴水根蒂活青瓢未剖含瓊漿

神謀鬼謀奪所好恐資志士騰文芒六丁雷電勿暇取  
天生狡獪窺我堂石不能言盜不怖頓使故物青氈僵  
紙窗竹屋風雨夕滅卻百丈豐城光彌感五花江穎在  
塵嗟三篋秦書亡連城價重詎足惜喪茲石友心悽傷  
晨書懶作暝寫廢東齋束墨徒芬芳盜平能盜不能用  
翻令神物嗤聾盲甯歸寶玉至魯廟甘敎狐白竊孟嘗  
舟藏大壑有力負一拳能禁穿窬強塞翁得失本無定  
世閒何物非茫茫

增城女兒葛

增城窈窕女十五何盈盈纖手組野葛工與鮫綃爭卷



納筠管內一縷秋雲輕篝鎧坐長夜蟋蟀緣機鳴疊雪  
藏巾箱畱作夫壻服夫壻起長歎何以充口腹勤苦詎  
敢忘含辛市中鬻所鬻價幾何不敵綺與紈雖非綺與  
紈一歲織一端衣時誰愛惜織時良獨難

過惠州

螺青天半是羅浮未得梅花樹底遊堪笑腰輕無一貫  
夢騎蝴蝶下揚州

水輪

羶沙偪束奔騰泉無鯨吸取滋我田排蕭空洞次第列  
急溜衝突簷牙懸神龍出水復入水淋漓爪甲長廻旋

波聲滔滔輪戛戛下有河伯馮夷鞭晶簾遞易珠錯落  
應接不暇溝塍邊升沈吐納有至理人工所到天巧全  
野翁忘卻晴雨卜終朝高枕溪頭眠車輪碾塵塵四起  
水輪轉水水不已歎息機深利亦深老夫抱甕真愚矣

袖杭侍御招飲韓山

韓山佛頭青韓江鴨頭綠何爲褰繭蠶閉戶自局促良  
朋知素懷招飲頗不俗出郭見禽魚金鑷刮塵目仰躡  
雲際峯石磴八九曲人行高樹巔咳唾落僧屋炊煙組  
林巒亭午飯初熟我居海陽城南食非所欲鱸魚血成  
藍蝦蟆背生粟蛇膽襍蠔羹一一違口腹掬得西江波

洗此粵廚濁借問庖者誰乃是鈔書僕鸞鈴大食刀霍  
霍奏芬郁快慰老饕饕未飲酣已足夕照沈女牆月能  
遂如燭江風導歸吟傾露灑巾服寄語山中人殘醉猶  
可續一石珍珠紅明畫我先卜

蜥蛇行

五嶺巔屹去天尺蠻雲深處蜥蛇宅長餘十丈大如輪  
閃閃雙睛射巖碧市中蜥膽膾鼎多真者千金許誰易  
老蜥力巨取膽難一捕空山聚人百黃裙畫袴膝錦繡  
徧將不潔蒙榛蒿昆蟲那識彼婦禍蜿蜒出洞趨腥臊  
蜥蛇好色人好貨死生決勝荒山高齒牙兵械兩雄猛

性命倏忽輕鴻毛人眾蚘孤蚘失守或指或噬相持久  
可憐腹裂項纏藤剝鉅痛深驅不走魂猶宛轉戀山岡  
膽已飄零落人手蚘生有道死有因百年養晦全其真  
靈根忽墮慾海劫頓教皮骨成埃塵世人不凜邪淫念  
請鑒蚘蛇此日身

西園秋夜同劉柚杭侍御周容齋郡守裴六滄都  
司金爾佩明府讌集得四十韻

藍田塵隔市印潛鏡開奩小岫濃堆黛寒藤巨掣蚘洞  
疑雷火闢崖受鬼工斫竹瘦分詩骨松肥鬪客髯有齋  
皆字遯無谷不成謙飛蓋連幽逕殘陽入亂崦題名防

蘇蝕疊石倩雲粘懸橘金初鑄叢蘆雪未礪粉垣過剩  
蝶蘭棹趁雙鷁夜氣通銀漢秋光落畫檐橋分丁字水  
亭捲棗花簾清管鶯喉合華鐙壁月兼笑開黃菊甕詎  
愛綠楊帘頂睨樣編縮臍分籩蟹尖芟香饒屈到鵝美  
飲江漉餅炙書堪映黿烹指可需三漿調翠釜七醺點  
紅鹽火撥熏香鴨硃研滴露蟾賦成真灑灑言發豈詹  
詹匣劍移檠視牀書信手拈聲殘壺口濶射中戟支纖  
葭藉伊人咏星勞太史占披圖辨彝鼎捫蝨論韜鈴樹  
爲將軍大泉因太守廉飛鳧輕履舄繡豸燦衣襜蘅杜  
湘中采蘋眉洛下瞻惟余長濩落與世轉安恬一放看

山眼時腰刈藿鎌筆慚搖五嶽字重易三緘寧歎萍踪  
瘁猶思蔗境甜阮途修未塞潘鬢短何嫌北走窮關塞  
南來觸瘴炎魚蝦雖暫侶邱壑豈終潛珠斗初移柄金  
徒幾下籤風林聲跌宕水榭氣森嚴狼藉盤重整鯨吞  
酒更添徵歌驚鶴夢秉燭照魚唵韻語終還續談鋒利  
且銛漫催雞喔喔拚醉夜厭厭好繒珠槃盛丹青屬二  
閭

短髮

短髮風吹客意慵鳳凰洲畔理歸舫蠻天應作重遊夢  
未了羅浮四百峯

簡鄭板橋

出山多濁流俗吏面可唾  
滎陽恥卑官言放迎候情白  
眼醒而狂直奪次公座既受五斗欺能免一毫挫歸棲  
屋打頭煙蘿補籬破書畫自忘疲深巷慰寒餓我亦嬾  
散人無由學新儒賣文三十年空篋無可馱蠻花照吟  
箋競病誰與和江南懷故人天濶風雨大將訂竹西遊  
重理擊鉢課

舟中

雲濶蠻天鴈信稀篷窗閒坐看斜暉  
空囊有句如懷璧逆水行舟當佩韋  
州樹九丸隨舵轉沙禽拍拍背人飛

爲貪久瞰南方荔添得霜痕兩鬢歸

宿相公亭

辭舟無百里薄暮到崎嶇冷竈和雲煮荒扉叩月沽楊  
疑峯影黑夢怯澗聲轟明日山深淺慙慙問僕夫

過筠門嶺

嶺色濃依碧落閒梅州郭外打包還幾灣澗水難通驛  
七日盤輿只看山漫喜歸程逢捷徑那堪紅樹照衰顏  
筠門無數勞人影祇有寒雲抱石閒

象牙花

翦紙質易撓翦綵色屢變人巧爭天工鏤齒豁生面手



底春風吹玲瓏幻花片根盤嶺表雲枝棲海南燕照耀  
翠蕤榮踈影落几案幽蘭芳空巖行者不一盼雕鏤非  
性成城市觀且萬世情趨鮮新俗昧昧真贗摧剛偏作  
柔變素已爲絢人事如江河守拙起三歎

木羊

裴六滄好覓各種木根以爲人物花鳥備極自  
然之致有一狀如羊者摩挲既久宛然羊也余  
索而歸爰寄長句以酬之

初平怒叱千蹄奔怪獫躡急古井渾胚胎又經大樹底  
靈異抉出荒山村低頭不似老狻睡斂足詎類愁鴟蹲

良工斤削爾無用象形惟肖天所敦風鐙影動角戢戢  
直欲撞破藩籬門林柯挫折華葉盡自甘幽仄長蚡緼  
誰掀土石發眞鑒憐此盤屈離奇根將軍洵是善智識  
洗卻萬眼塵埃昏烏皮几上作清供品與夏鼎商彝尊  
座閒賓客半傾倒口吻噴羨手且捫世閒百物本無定  
顯晦倏忽殊寒溫空山老死無知遇不材固棄材安論  
傳觀五嶺及兩浙精采照耀雙乾坤非亡岐路憂躑躅  
神全雄壓羣雞豚似牧洞庭龍女手重憐塞上蘇卿魂  
尻雖欲作下山勢猶帶一抹斜陽痕當年魯廟知寶愛  
鍾牽雖去禮可存平泉宰相應捧腹對此肥瘠何由吞

泊鵲山房集卷二十五

會稽 陶元藻 鳧亭

詩十一

題鄱陽湖口張巡廟

靈旗髣髴舊營門  
終古行舟禮拜尊  
久絕傳餐烽火夜  
忍看醺酒蓼花邨  
湖雲猶疊殘城勢  
水珮空搖愛妾魂  
佛寺浮圖南入箭  
亡師遺恨與誰論

河口阻雪

天工翦水水始凝  
扁舟獨駐吟無朋  
風吹野屋人語凍  
扶踈老樹危檣憑  
撒鹽簌簌篷背響  
寒氣下壓箬中鐙

欲眠每怯被壅水起坐又覺衣生稜平明高岸玉山立  
船底膠固千層冰魚沈無影攄不得有蛟漫說寒可罾  
篙師蜎縮蹇僕臥幾催放棹喚莫膺消寒飲啖不嫌數  
笑無酒肉如陵澗殘灰自撥煨芋火渾似有髮雲門僧  
三農獲占盈尺瑞歸帆雖滯愁堪勝回頭庾嶺遠莫卽  
夢魂還訪梅花登

過衢州

五兩輕颿太末過篷窗簌簌掠魚簑江邊廢壘傳姑篾  
雨底殘山識爛柯鷗語似敦前度約灘痕已落舊年波  
停橈非爲楓林赤愛看橙黃橘綠多

重過慶春門外

慶春東去雨初晴重憶斜川舊酒盟  
榭葉堆前過騎影稻花塍外落潮聲  
人荒故陌駝俱徙秋到寒城菊又生  
幾縷殘霞魚尾赤暮山多處是臨平

何錦川別駕自泰安歸里索余詩句爰賦五言一章

出山非爲貧入山非避俗不以蕭散身  
攬彼世寵辱風吹徂徠雲千里斷還續  
江上秋沈沈歸帆照寒綠

羊裘

黑貂裘敝剩羊裘嗜飲休教付酒樓  
客路共嘗辛苦雪

寒山獨擁汶寥秋縱輪鄭國三英譽不被秦人五穀羞  
欲謝風塵隨釣侶富春烟水自悠悠

賦早梅得先字

蕭瑟寒雲底踈枝竹外偏原無花競爽還與雪爭先頓  
破巡簷側初逢策蹇緣春風翻覺晚索笑入新年

再賦早梅得知字

破凍香如許橫斜拂鬢絲孤芳因送臘爭勝爲催詩幽  
逕雪初下空山人未知寒風莫輕翦畱到試鐙時

過曹山水宕

問逕殘崖下陰森竹木涼人聲穿谷恐花氣注潭香空

翠落經院白雲生我裳何年謝塵鞅漱石此山莊

簡陳授衣

雲隔金焦兩點青遙憐舊雨竹西亭長城五字無人識

寄與揚州老客星

授衣極喜余五言律嘗謂人曰篁邨今日之劉隨州也

過梅隱庵

秋郊雙屐去清梵一龕存水色淡連屋稻花香到門禪

窗挂農笠佛火照漁邨回首柴塹煙波欲斷魂

題千一弟室人來氏遺照

幾載鰥魚淚血新鸞膠何日續殘春倘憐裙布釵荆影

莫戀新人忘舊人

消夏雜咏四首

山色當門柳蔭渠蟬聲斷續晚涼初蘆簾一任松風揭  
消得西窗幾頁書

斜川詩社各關題泥飲歸來月滿溪螢火飛飛蛙閣閣  
送將雙屐過城西

一櫂烏篷禹廟還浮嵐暖翠照溪灣若教有分朝衫著  
那得工夫飽看山

三閒老屋舊衡門清絕漁磯沒漲痕最愛南湖風景好  
紅蓮開到綠楊邨

越王城和廷珍韻



殘壘無刁斗空山有辟支湖光穿樹小僧影出雲遲石  
磴諸天近峯坳淨土宜斜陽自今古曾照保棲時

摩烏山

錯認浮南海潮音作小遊亂波衝石磴深竹閉門幽佛  
擁雲中髻僧歸荻外舟徒傳亞父玦幻影寄沙鷗

寄張喆士

市隱高蹤勝薜蘿凌雲樓閣擁書多輸他三影清詞後  
絕妙胭脂照衍波喆士會賦胭脂有南朝有井君王入  
北地無山婦女愁之句爲人贈炙遂

以張胭脂呼之

人日得截句二首

積雨滿離舍春寒生緼袍空懷韓吏部登彼城南高  
作賦酬靈辰兒姪勝朋侶春水渙渙生綠過挑菜渚

遊靈隱寺十四韻同周園牧賦

蒼荀亦花林宗風自古今門窺靈鷲峻階俯冷泉深海  
日樓頭湧天香月底尋鐙明理公塔墨妙葛仙襟竺國  
猿聲答龍泓石乳臨諸光韜邃谷雙澗落遙岑白象無  
爲界青蓮自在心竹香經院裏松粉佛龕陰法現雲飛  
錫機投鉢貯鍼眞詮通慧炬妙諦印圓泐鸚鵡摩挲古  
狻猊起伏森簷牙高矗斗壁帶遠橫參塵尾禪堂拂瑤  
華佛髻簪魚山鐘磬似一一應鸞吟

五月廿八日同寶持錫暨汝堅桐江瑟如衛儀諸

姪北山食楊梅得七律五首

一見青山笑口開  
庾園細核傍雲栽  
試從沈李浮瓜外  
且共尋邱問壑來  
亂點紫霞寧易散  
豔搓紅雪欲成堆  
老饕頗有相如渴  
好放殘牙大嚼回

嚙嚙鳴蜩耳畔譁  
仙人同我嚙丹砂  
租誇蜀漢千頭橘  
譽壓東陵五色瓜  
眼界每疑花爛熳  
帽簷時礙樹槎桮  
慇懃貯得筠籠滿  
寄與衡山道士家

嗜痴性癖勝兒曹  
攫取林端捷似猱  
爲愛餘甘分荔子  
卻愁內熱等櫻桃  
圓傾豪客新九彈  
紅滴山人舊芋袍

若許品題蘇玉局南村應遜北村高

鞭絲帽影飫飛塵乞得清閒半載身如許鄉山難息轡  
可憐風味又沾脣攀條重話新鷗事把酒難逢舊兩人

一十七年湖上路白楊梅樹已成薪

余曾與孫人岳永延昆仲暨蔡開林

先生家漢思兄湘湖食楊梅十餘年來不勝離別存亡之感撫今思昔爲之愴然

峯峯落日屢回頭何日重招出郭遊老去願求栽樹法  
貧來肯罷買山謀生憐屐齒連雲折一笑驪珠滿握收  
衰朽輸他童冠樂問誰聰慧是楊修

弔周青崖二首

天忌文人骨易寒名山誰共墨千九平生一掬知交淚

滴盡陳根不有乾

落日招魂舊草廬柴門寂寂對村墟未知任昉孤兒在  
可有聰明讀父書

簡金六乾太守二首

一官休去鬢成霜六詔煙雲夢渺茫歲歲碧雞祠下路  
竹枝歌唱漢龔黃

東望柯亭水一方謀生欲就故人商圖書畢竟田園好  
十具烏牛百本桑

隆興寺

林壑無人愛煙霞此地生竹分新故綠泉注淺深清茶

話兼涼雨鐘聲入暮城誰從幢刹界重問澹園名

寒鴉二首

銜尾聯翩集爭鳴到歲徂相憐青似鬢漫道黑匪烏瘞  
羽衝風怯寒聲入夜癰占晴微雨後消息問園夫  
誰潑晴空墨離離滿目斑影低殘雪樹聲遠夕陽山凍  
雀尋儔侶寒雲共往還羣飛渾不倦翻笑老夫閒

簡惠定字二首

書帶綠階幾許長箋經歲久鬢毛蒼自指老眼風鐙底  
細寫秋蠅字數行

幕府年年汗漫遊吳閶風月勝揚州何時共曳山塘屐

一路看花到虎邱

欲雪

連日將飄雪躊躇昨又今感時憐鬢腳望歲卜天心日  
色荒荒瘦雲衣渾渾深峭風生薄暮導冷過山陰

寄戴通乾

昔我經蕪城言栖淨明界流風過高梧清露滴書帶熠  
耀閃於星牟尼靜如睡珠旛隔微塵月梵發真籙方烹  
佳茗香忽得良朋對筍篋橫曾襟談言洽鍼芥心期稭  
阮儔神企曹劉輩

梁山舟侍講書來適當雪霽遂口占二絕答之

一紙雙緘破凍開懷君重上越王臺錢塘雪後山如洗  
清過江天十里來

寒梅枝倚竹邊斜知是西清侍講家爭似長安車馬路  
軟紅塵裏看唐花

贈于編修小謝先生卽以寄懷二十韻

味道鬚眉古箋經歲月長衣冠存洛下耆舊式襄陽  
白碑先悟牛心炙早嘗五經雄折角萬卷富撐腸獻賦  
鄉枚列承

恩日月旁頌椒人似左坦腹壻如王蓮炬盈門接魚鬚  
弈世昌紫泥書寵錫靈壽杖扶將一跌雲移壑重襲鳳



在岡迎

鑾邀湛露祝嘏詠芝房  
屋枕洮湖澹園隣墨沼  
芳聽鴈花片逕鬪鴨柳  
絲鄉仙蠹生油素秋蠅  
寫硬黃課孫羅笥笈娛  
老詔耕桑談笑熊羆御  
吟哦籍湜僮須知書是  
癖遲計鬢餘霜京國星  
常聚名山業共商月明  
心可寄河廣葦難杭春  
樹浮江碧秋葭隔浦蒼  
迢迢吳復越何日再登  
堂

重過曹山水宕

幾年遶洞壑煙艇買嫌  
遲樹影暗篷背溪光澹  
鬢絲岸歌新落石苔滅  
舊題詩祇有濠梁趣堂  
堂似昔時

殘菊

瘦減西風不自由榮枯一半寄林邱  
籬邊牢落無聊飲眼底闌珊未了秋  
疎影獨憐衰鬢對餘香應爲苦吟留  
那堪碎雨零煙後重憶當初插滿頭

介如七弟贅粵一年而室人云逝  
挈匱歸蕭句題遺像

閨裏年華數獨慳林風標格自幽閒  
方思新婦調中饋忍送陳人到舊山  
夢失寧馨同錯愕魂來南越惜閒關  
鰥魚泪灑薜蘿草紅照衡河水一灣

蒙山

古廟何年始靈旗大道旁山根青渡水橋影白連霜  
鐙火風林颭裙釵佛社香黃金無用處堪笑結空王

由富春江泛舟至桐廬

丹嶂夾澄泓禽魚恣遊戲柔櫓響空江沿流領幽異  
夕陽明半山秋林帶寒騎岸對川無梁蘆洲酒家寄  
性愜澹忘歸抽帆畏風利釣臺尙嵯峨雲臺竟何跂

晴雨歎

昨日晴門庭燠今日雨寒滿屋天地炎涼亦何速

過水陽鵝

維舟在水邨杖策入山鵝竹氣青濛濛巖花落如雨

題馬太守祠

太守祠堂鑑水潯丹青四壁氣蕭森  
祈年豚酒修村社吼雨松杉覆殿陰  
銀蠟夜分燐火碧土花寒蝕墓碑深  
湖光八百明如練長照孤臣一片心

夏寒

入夏寒猶峭疎簾不上鉤晚風涼似水  
曉氣澹於秋池藕花難坼藜床簟欲收  
病畦人一笑五月可披裘

籬菊詞

菊兮菊兮自春徂夏發榮於秋  
淩霜勿謝餐英可仙彼識者寡  
吁嗟乎菊兮寄人籬下

長城

秦皇去千年長城尙突兀可憐城下泥都是秦人骨

李純九監司由江左觀察嶺南寄懷十韻

百粵鶯花外三台象緯邊有鴻塞上至無大洛中傳海  
嶠思千里江梅夢十年蠟磯雲送酒牛渚月分牋坐久  
禽聲換談深燭影偏訟庭清似水官閣靜於禪一別楊  
花路重尋穀雨天斜陽鍾阜樹春漲秣陵船縞紵思吳  
札溪山老鄭虔五羊城畔旭長共玉壺懸

菊花山

聞道殘山路繁英照水濃酒香圍社密騎影入雲重秋

雨至今在寒花何處逢空開雙老眼憑眺一峯峯

岳忠武破金人歸駐軍齊山翠微亭旣殞韓蘄王  
懷念不置常匹騎過飛來峯頂悵望久之因建  
亭亦曰翠微乙丑歲余至池陽訪翠微舊址不  
得今陟飛來亭榭又蕩然無存爰成懷古一律  
海水桑田兩渺茫翠微惆悵一霜裳何年瘦馬尋春草  
終古青山剩夕陽作賦未能稱汗漫登高到處感興亡  
鄂王已戮蘄王死南渡誰人憶汴梁

再寄詰士軼青授衣江皋廉風秋涇五古一首

疎雨過軒楹池荷滴清響茆堂晚霽涼潯替薦新爽獨

詠恨無朋臨風憶疇曩山橫白下門浪跋黃天蕩旣支  
蜀岡筇復弄雷塘槩幾縷六朝雲風吹入榛莽落日何  
蒼蒼千載一俯仰誰與話興亡張陳及閔蔣平生多慨  
慷襟宇殊滉漾隱跡混混塗清言破塵網百尺蟬書樓  
藤蘿映幽幌寒花地數弓石骨疊三兩愛茲城市閒如  
息林下鞅作賦酬良辰論心獲真賞觴飲小西園鷗盟  
互雄長騷壇屬吾曹騰聲豈標榜抗懷嵇阮儔異代結  
遐想矧同敦與槃詎憂道途廣

天竺

天香巖下古祇林九品蓮臺幽處尋佛髻珠光風幔淺

曇花春雨石床深  
門前雲氣時高下  
竹裏泉聲自古今  
清淨諸天誰得似  
洛伽山半問潮音

擬古四首

人事洵難憑  
天心亦不古  
所以日者言  
屢屢多錯悞  
砥行若原思  
闇修良獨苦  
于公大門閭  
斯志詎不副  
拱木覆重泉  
安能復起舞

文章叩羅隱  
雖善世勿師  
千金託黔婁  
乍信還見疑  
三獻竟三刖  
那免羣庸嗤  
錢刀不在手  
枯槁如行尸  
途遠日將暮  
秀夕振已遲  
鸞鳳有本性  
螻蟻焉能知

神驥世常有  
伯樂埋重淵  
昌黎已發喟  
矧隔歲又千赫



恭猶頓族作埒黃金錢書聲起廡下頃刻鋪寒氊天心  
猶嫉士羣目安有憐千金易一文一縑易一字此道久  
茫茫何處相爲賜

遠道苦行役詎不思故鄉故鄉不可守轉夢關山長豈  
患投轄希所惜知心寡文貌殊懇勤肝膽悉假借分寸  
繩賢勞鎚銖較酬謝信陵重侯生平原禮斃者古人良  
可懷悲來泪盈把

題楊椒山先生遺集

宮庭金虎主不疑言官啗啞徒委蛇惟公慷慨髮上指  
心頭熱血傾淋漓讀公遺編感公義仰天三歎增歔歔

華亭旣抱誅賊志何不早去嚴分宜糟糠之婦乞代死  
君門萬里何由知狐狸爲羣鼠爲黨太倉辛苦難維持  
張君蔣君交䟽救高誼感入人心脾老奸權重山屹立  
撼山容易權難移明夷不占遇兩吉荒荒白日悲靈羲  
挺身赴死甘如飴公平臣道其庶幾

題鍾馗夜遊圖

霜鏑稜稜血未枯羣魑何處復椰榆啖完故鬼兼新鬼  
祇剩蓬頭秉燭奴

湖上襍興六首

錢塘門外踏青忙鈿扇金裙繞陌香深淺馬塍花似錦

酒醒微雨話蘄王

湖南詩社木蘭船猶記招尋葛嶺邊腸斷山陽月中笛

無人同訪僕夫泉

癸亥歲厲君樊榭招余入詩社因病未赴今聞樊榭已逝爲之惻然後僕

夫泉在孤山當時社中詩題

題徧愚庵石上詩鷗盟滋味阿誰知芭蕉十二年前雨

曾滴鐙篝夜讀時

西泠橋左蓼花灣襪被重攜往復還一幅寒林好圖畫

孟家蟬在夕陽山

葛嶺孤山兩岸青石橋終古架漁汀湖邊調得林逋鶴

不看平章蟋蟀經

處士高蹤學未能南山偏遇虎溪僧回頭三笑梅花影  
續得東林一盞燈甲子冬余與菊坡兄訪理安佛日長老佛日年八十餘談禪頗有解悟將別送過溪橋佛日笑曰吾在山樓閱藏經三年不至此橋今日爲陶淵明一過虎溪也

節婦詩五章爲舟山吳母來孺人作

有淑者女舟山之陬秉性純孝壺德聿修曰母氏負痼  
胥余憊尤嗟靈藥焉求刲其左股厥疾是瘳

二十而嫁作配于吳卸爾珠飾捐爾羅襦妻妻鴻耦懿  
矩同趨勤劬井臼敬奉舅姑舅姑康且娛

謂芬先人中林蕙吐式微式微君子服賈險阻八閩以  
寒以暑誰忍離此故土謂有烏鳥情待子之哺

翩翩清鴈望秋已歸子子霜旅經年不回駭此閨夢維  
梁之摧匪梁之摧哲人云萎使婦心傷悲

維筐有績未亡人所治維笥有書藐諸孤所事格於皇  
天降祥伊始以酬厥志賢嫠之門克昌克熾

泛舟湘湖

春風吹短髮湖岸放舟行出郭人煙少盟鷗客語清斜  
陽轉峯沒遠火傍林生那得浮家住青簑忝隱名

泊錢清

中宵靜天籟村寂無人煙歷亂菰蒲外江風吹白蓮

寄懷徐笠山先生

槩澗伊人遠迢迢訊問疎孤村煙水末落日閉門居踪  
跡清於鶴心情樂似魚別來三月久新著幾行書

重過枕流庵訪博天上人

樽榼閒攜過稻塍依然竹色照眉稜踏開忍草根頭雪  
笑見曇花影裏僧三畝菊開新馥郁一泓池漾舊清澄  
浮生半世風塵濶重憶微吟講院鐙

薛園

一角殘山古三椽別墅清藥畝奇石當波穩細風行看  
竹空牆色聽松小閣聲翻教城市裏頓覺隱心生

訪姚芝鄉賦贈一律

繞屋淪漣水一渠垂楊小巷未容車杜門不拒清談客  
入市貪求善本書跌宕詩篇長慶上商量人物建安初  
來觀寶海新排纂坐到晴餘又雨餘

過岳王墓下作

金牌十二敗垂成誰向臨安說汴京  
檀帳椎牛爭入賀南朝自撤岳家兵

題西施廟

傾城彼婦世爭憐生長村墟兩邑傳  
擊鼓竟成祈穀社捧心猶痛沼吳年  
香熏小像紛雞卜石冷春苔想翠鈿  
聞道美人江上去不宜重戀越山川

寄懷張百斯

舊第白魚潭魚化新棲託擇里每逢魚君定知魚樂詠  
諧似東方聰敏怕束縛把筆抽秘思持論闢塵俗生徒  
負笈多盈門履參錯曾有三篋亡爲師固不忤無端遇  
病魔硯田頓荒卻友朋散晨星何由慰離索憔悴楚靈  
均瓶罍亦寂寞盲目不盲心篇章尙能作杜門忽三年  
秋林共搖落我舟來自西兩叩歲華錦愧無大藥資起  
爾沈痼弱願攜酒一樽聊同掃愁酌



洎陽山房集卷二十六

會稽 陶元藻 冕亭

詩十二

芹香草堂十詠 并序

何湘崖別駕築堂於舊第之西偏益以琴亭酒  
榭掩映花木流覽禽魚縱橫數十步閒大有名  
園之概第金谷輞口平泉午橋諸墅皆籠山絡  
水廣闊其區亦不必盡在城郭與生平居處梯  
棧鈎連湘崖草堂約而且近可久之道卽寓於  
斯句余一言以詠歌之余思少陵曾作何氏園

林詩殘山剩水宛在目前今題適相同而才慚  
不及姑效劉隨州過龍門遊湘中之體爰賦十  
章以誌其勝焉

學圃亭

仰觀棗纂纂俯拾瓜離離灌園良可適帶經聊自怡豈  
徒喻所業戒荒貴勿嬉種德如種樹深根以爲基

書舫齋

畫舫肇歐陽千年此云再苟知深淺情詎必江湖在作  
舟才固宜杜門道何礙厥心自無波蕭齋靜相對

蕉窗

一樹隔窗蕉卷舒隨所欲踈雨滴深更秋聲斷還續浮生夢本空吾學功自勛夜靜颭風簾明鐙照寒綠

梅竹圖

羅浮驚昨夢月樹探微茫何當幽篠聚聽雨來瀟湘凌霄有高節寒瘦庸何妨梅英襍竹氣滿滿春風香

仙夢居

求仙不得仙偶然夢亦好駕海指神仙緣溪拾瑤草一霎到蓬瀛翻嫌寐不早何處訪盧生邯鄲夕陽道

蝶庵

蜨庵本非庵十笏類方丈翛然有髮僧林下息塵鞅洗

茲清淨心空彼真幻想拂拭舊烏皮圖書作供養

曠襟閣

高閣峙晴空伊人足清眺置身里間閒託想塵世表雲  
光澹簾旌人語度林杪郭外晚山青諸峯見了了

印月池

長天素月流倒影落蘋末風起白波生滌洞老蟾活靈  
從水府鍾愛自雲端割一片明玻璃秋光許誰掇

魚磯

幽草生方塘涼月照寒波動我臨淵懷欣逢捕魚處半  
畝水匝清一釣鱗自舉笑彼嚴先生遙投富春渚

逸園

一折塵煙霞徘徊數弓地常憐履下苔不翦牆陰荔人  
從竹裏來鳥向花間避雖畱逸園名終非逸民意

題劉豹君索句圖

書几竹香外吟髭蕉影中憐君眞落魄感我亦飄蓬老  
去律誰細窮來句轉工何堪展圖畫相對兩衰翁

由茅家埠赴雲林寺悞入龍井新闢之逕歸訪舊  
路始抵山門二首

石磴新開幾屈盤武陵源問舊踪難詩人不是山行悞  
那得峯形複疊看

淮陽集卷之六  
冷泉宜淪趙州茶寥寂龍宮護海霞二十四番風過幾  
佛前猶自供梅花

過畱餘山房贈汪繼武

黃葉擁湖陂秋根喚舟渡尋彼南山南翛然永幽趣霹  
靂開鴻濛奇瘦石骨露懸泉閃藤梢碎雨濺巾屨十笏  
淺深山幾堆古今樹紆廊翼朱欄步步入煙霧  
翠華駐錢塘奧境蒙屢顧

宸章灑畱餘龍鸞百神護拳石何修能無言得殊遇瞻  
仰重徘徊林端動遐慕高躅山中人茲展愜良晤平泉  
舊姓名更迭易錯悞數典祖不忘道古心亦素櫟拙拾

寒僧松風拂茶具迴崖隱巖扉白雲時一住水聲閒禽  
聲清響導歸路回首夕陽明青螺幾峯聚

上元夜同姪廷珪廷瓚兒子廷珍賦

入夜裘添舊鷓鴣簾旌微帶月昏黃頽雲幾片寒覆屋  
老雪一堆明到廊鐙市獨憐今歲靜酒兵卻比去年強  
大開笑口傳柑節各自闌題賦草堂

過七里瀧

遠近魚罾影離離導我前山空人語峭江靜櫓聲圓檣  
燕斜窺客巖花俯入船嚴陵灘畔水笑結半生緣

經仙霞嶺

三衢屏列勢堂堂峭壁撐青入杳茫豈謂就衰艱陟歷  
卻驚無雨濕衣裳七盤磴路飛蘿紫四扇關門落照黃  
狐兔空憑當日事老僧猶說李文襄

阿彌陀佛灘

無灘佛無着無佛灘無名佛說無罣礙無礙宜空明胡  
爲功德水與石猶相爭不生故不滅能滅何由生慈悲  
觀自在踏蘆波上行勿救一切厄昧施平等情恆河沙  
數客千載心魂驚願以智慧劒剗此魔障平度彼十方  
眾普同覺路輕證明無上德聲聞俱淨清

夜泊



江流聲不斷一住轉蓬身邨遠鐙如米洲昏樹似人淺  
斟尋昨夢小雨漲孤舂幸有眠鷗在前途可問津

黯淡灘

建溪東行險今古黯淡灘高立如堵洪濤裹石百千重  
劒戟鋒鉞暗撐拄衣袂難戒滅頂凶捩舵兢兢避如虎  
馮夷擺浪雪濺鬚聲聞雷霆襍搥鼓俯窺一落數丈強  
稍縱卽逝命如縷以舟綴索索挽篙作勢爭畱勇齊賈  
舟師頭白水道明目瞪波心汗如雨

遊福州西湖二首

虹橋西上草痕新蟹舍招尋結勝因幾疊山光濃似酒

一泓湖色淡於人魚遊驚怯初來客鶯語商量欲暮春  
休問昆明灰劫事水晶宮殿已成塵

湖名髣髴似家鄉一抹蠻雲認海疆飛絮落花經上巳  
畫衫鈿扇憶錢塘何年剩水浮僧舍終古平田帶夕陽  
珍重題名在幽竹微吟步徧舊迴廊

題張南坪太守小影二首

煙光滿檻澹生春繞逕蒼苔鶴跡新  
除卻芭蕉無別樹一叢寒綠照詩人

曾次天藏邱壑工肩教粉本著塵容  
鬚眉猶帶煙霞氣曾過羅浮四百峯

遊烏石山用前人周元登原韻

幽磴盤藤蘿破蘚理短策三十六奇觀漫漶少遺跡巖  
前鐵立松撐拄欲落石晴江曳練來木末生遠白旣踈  
海天曾還訂猿鳥籍老僧頭崩髻叉手迎野客孤花戀  
餘春暑意猶未及高下舊亭臺樽榼欣所適悠然過鳴  
泉一洗兩塵舄尺咫九仙山微雲淡相隔

榕城竹枝詞十首

閩雙門似粵雙門絡繹輪蹄曉復昏石若能言獅亦笑  
百年名利幾人存

如雪肌膚蘊藉香露滋輕淺絳紗囊南來何物鍾情甚

腸斷樽前十八娘

數里珠簾捲暮霞  
紫薇修弄內官家  
銅駝泣盡殘唐月  
無復宮牆蘸露華

鱖魚紛逐鯽魚來  
螭蟻珠蚶瑣屑堆  
阿囡提筐郎罷賣  
腥風十里到南臺

卷軸寧誇李郭侯  
芙蓉桑苧兩園秋  
春來猶有銜泥燕  
飛上南營塔影樓

彩履雲鬟滿道周  
勝他健僕尾鳴騶  
生憐命較珠娘薄  
一侍朱門竟白頭

淫祠羣革奪名藍  
午月羣迎五帝驂  
歌板舞裙鐙火社

便教城北接城南

不斷紅香鬪歲華漢宮

正到翦秋紗荀家空詔熏衣法

輸與天南指甲花

臺江小妓鬢堆鴉水裏

生涯花裏家錯認秦淮攜酒處

畫船微雨聽琵琶

蓮華峯色晚蒼蒼璨盃金爐散夕陽麥飯已過寒食節

更無人問古閩王

瀨溪曉發

驛路昇殘夢行行過礪門曙光青有界春氣澹無痕溪  
語初喧艇山雲尚罨邨曉風吹鬢髮種種幾絲存

常思嶺

平蕪行忽斷山磴見盤紆汲甕雲中下征裘木末趨衝  
風人語碎帶雨澗聲麤何處村帘好慙慙問僕夫

興化道中

十里春城外滌洞碧漲深落花寒食節芳草故鄉心麥  
隴連邨尾籃輿出荔陰壺蘭風日美一月兩追尋

科山寺避暑分韻得解字

崇岡枕梵宮佛眼睨渤澥我雖有髮僧妙義心頗解清  
晨趺微涼磬珣支舊拐古薛拂衣多青松及有鏤山空  
香垞生風細珠旛羅笑乞趙州茶名泉不須買芳樽瓜

果羅險句龍象駭絕勝  
虎溪遊清言自灑灑

題惠安官舍

海上風吹老樹枝  
鳴皋堂下晚涼時  
螺山四十年前月  
重爲離人照鬢絲

過洛陽橋

驅石何年事長虹  
影未除江光通海氣  
秋色上籃輿  
潮憶傳來檣碑留劫後  
書詩人雙鬢禿  
題柱媿相如

連江令王謹夫以蓮心茶見貽賦酬一律

使到南城過雨天  
如蘭氣繞竹爐邊  
離人正劇文園渴  
活火偏宜陸羽泉  
詎愛楚騷餐有菊  
真疑禪悅舌生蓮

重思陽羨評茶日一夢江南又十年

重遊科山寺

風磨煖翠煙霄層西窻突兀呈高稜大開笑口出郭去  
頓覺雨後山光增白雲欣踐昨日約青鞵重締前遊朋  
農人面熟再來客整衣拱立瓜田塍巖花欲落猶未落  
一枝紅驪吾攀會應直十八靜如睡巡簷不見哦詩僧  
茶煙飄蕭塵在硯方丈空閃長明鐙頭陀行者作供養  
以盞投粥香且澄浮瓜沈李寶蓮昇滌暑勝斲寒泉冰  
山僧歸來日未夕洗琤更酌傾如澠登高作賦老夫慣  
性不善飲吟猶能尖小競病隨擊鉢嘴爪那許前人矜



險語了語祿香至清塵拂盡南閩蠅談元支許舌根慧  
參破五蘊超三乘人天師徧南瞻卽崇閎廣廈懸金繩  
螺陽山淺道場少一拳十笏垂聲稱况此煙霞近城闔  
甬容猿鶴私依憑香臺石磴並幽絕惜無古樹盤蘿藤  
蓬萊海水幾清淺安知深谷非高陵山靈不厭人影俗  
策杖敢倦連朝登芥子須彌同一視回頭仰看雲騰騰  
宿泉州開元寺

海天南下問慈航雲毳珠旛古道場法相尙畱千手眼  
浮圖曾閱幾滄桑摩挲老樹曇花散相傳寺基係富人園林有僧募捨其  
人云能使滿園樹盡開花便當施拾一夕園樹皆放白蓮遂捨爲寺供養諸天藥曰香僧

以賣藥  
爲業

一盞琉璃燈影外  
夜涼秋雨滴空廊

題官枝亭太史聽鵬圖二首

石頭齒齒水潺潺  
斗酒雙柑好駐顏  
解得人生行樂耳  
門前便是富春山

辭卻煙霞向北行  
六屏山水照西清  
軟紅塵裡東華路  
聽得黃鵬有幾聲

送周山城歸琉球

波沿扶桑日影虛  
瞳瞳遙射放船初  
三年識盡中原字  
萬里攜歸秘笈書  
蜃氣樓高連島嶼  
蠻雲天濶辨門閭  
應教野館春帆使  
來訪華陀海上居

彌陀

半嶺亭前鳥道紆，彌陀秀絕小衡巫。  
蘿封裂石猶容步，風剗飛泉幾濺鬚。  
天際遠帆連海若，雲中清梵出林於。  
泉南不盡煙霞勝，強半題名屬老夫。

清源

芙蓉九瓣露青稜，捫策攀蘿老尙能。  
竹裏似迷通屐路，松梢忽見下山僧。  
幾堆亂石支仙蛻，一片寒雲凍佛燈。  
休悵未逢黃克晦，已探幽秀過溫陵。

明翠閣

肩輿過城東，仰見石突兀。  
鳥鳴春滿山，羣峭綠如潑。  
曲

江上漁父 卷三  
磴盤空行人語出木末琉璃駐小紅旛影盪佛骨簷高  
雲氣深江漲浪花闊葉葉渡舟輕舊響灘已沒來參玉  
版師禪味頗清絕半郭亦半邨蕭散殊可悅睠彼風日  
佳詩思一觸撥

題沈蘭友對鏡圖二首

鞭絲遊粵復遊閩印雪飛鴻悟淨因三萬六千場裡客  
何人不是鏡中身

拖泥帶水笑羣蒙指點迷途一鑑中除卻菱花併無影  
更從何處說空空

劒歸閣

霜鋒電掣鬚欲揚豐城流盼昭回光來時靈怪去亦異  
有與庸物同行藏雌雄相失幾十載何圖良會雲水鄉  
鱗之而動雙天矯誰爲莫邪誰干將千年劒化龍亦化  
但見波白山蒼蒼風塵豈乏神異物斗牛孰與窺精芒  
張華雷煥呼不起使我俯仰心悲傷江深五里海十里  
瀾漫汗滂龍爲堂延津尺水石礚礚青銅吼匣聲何長  
爲潛爲躍偶然耳翻成佳話傳他方雪泥鴻爪本無著  
水邊建閣殊荒唐斜陽一抹紅在樹溪風習習吹衣裳

元旦

平安竹下客中身喜見韶華到眼新畫稿皴添今歲墨

梅花香戀舊年人  
圍爐火暖扶詩骨  
過幌風微動酒鱗  
九愛初晴雲物麗  
紅箋一賦海天春

由溫陵寄贈朱石君廉鎮卽以述懷三十二韻

世德翔烏顯家風折檻彰  
司農開棨戟僕射繼冠裳  
彪固蘭臺重機雲棣萼芳  
庭皆藍玉美譽是白眉良  
鵠立通明上藜分太乙  
旁鑒司庾廩富觀察里閭  
康秩晉衣仍繡毫含字有  
鉅燃犀驚鬼域拔薤遁豺  
狼風絕鳴條響星空貫索  
芒平刑周六典約法漢三  
章螺水縈官閣鰲峯照印  
床政閒吟管潤草長訟庭  
涼藻也雕蟲困誰歟鐵網  
張窮吟譏杜甫衰鬢笑馮  
唐十上書何益三彈

缺自傷蟠泥真蠅螻鰕鰕翮豈鸞鳳志未存溫飽身偏覓  
稻粱常羞噲等伍竟類次公狂北走虛聲悞南遊浪跡  
荒遂同蓬輾轉幾類馬元黃野店山橋路風餐水宿聚  
灘聲噴夢怯嶺色捲衣涼處處攀楊柳年年典鷓鴣苦  
無毛義檄更乏陸游莊禹穴函空守雷門鼓不揚飲河  
同鼯鼠當轍比螳螂北海開賓館西園集羽觴車投通  
德里鉢響竟陵王翦燭談心愜分牋鬪韻強羽陵窺奧  
窰金匱得津梁細樵名山久同攀古綆長晨星偏易散  
舊雨轉難忘高會浮瓜遠塵途鞅轡忙迢迢秋水外相  
望賦葭蒼

補登高二首

九月九日余在福清道中風塵鹿鹿未暇登高  
也後三日抵會城遂陟冶山以補之昔人有展  
重陽之詩余復有補登高之句非云好事聊以  
遣懷

九照晴嵐跡未泯冶山幽處石嶙峋緣知風雨離城遠  
翻喜林巒着眼真邱壑有情原待我步趨何事必隨人  
登高一破尋常例不用茱萸插鬢新

等樣風吹帽影偏淮王雞犬隔雲天超騰雖已嗟遲暮  
遠到何須論後先誰識文章陳伯玉且沈醅酌杜樊川



無糕免得詩人怯笑續黃花未了緣

過瑯琊王墓

草澤英雄天錫勇南閩割據羣蠻恐屠刀放下佛卽成  
將相王侯本無種城東突兀蓮花峯銀鬘玉鴈隨蛟龍  
野狐穿穴寶衣失圖畫空播瑯琊容金鐙無燄照白骨  
惟見日色寒青松甘棠港上稱遺愛紙錢誰挂荆榛內  
江山六世已銷沈抔土寧須問千載回頭宣德又滄桑  
碑版崩雲蘚痕碎白馬三郎莫怨嗟君不見唐陵漢寢  
今何在

長春宮辭

三山秀夾宮眉綠金鳳飛飛入金屋宛轉心挑蛺蝶裙  
綢繆夢戀芙蓉褥銜尾蘭舟載六宮柳絲風颭黃龍纛  
鶯喉一串起蓮塘爭唱新翻樂遊曲月華如水潑官牆  
迴輦殘更漏聲促妃子熏香待御床君王已伴歸郎宿  
九龍繡帳影颺揚煖玉輝流畫燭光明月潛窺瓊樹冷  
春風偷送李花狂重門不固葳蕤鎖翻被鸚哥罵鳳凰  
海上佳人字春燕承恩召見文明殿舞罷腰支怯不持  
釵蟬猶傍雲邊顫眉語分明訂百年紅鴛衾枕陽臺薦  
青宮思與燕同巢數日蛾眉不入朝銅雀未曾亡魏帝  
崑崙早已盜紅綃熊蹯雀殼幾難待垂死猶憐一細腰

宮闈李倣何由入禍釀蕭牆悔自招魯陽戈逐虞淵日  
舞榭歌臺起蕭瑟羽林刀劍雪爭飛驚散鴛鴦不成匹  
長春花柳劫灰空唯聽呢喃語溫室血濺龍髯寶帳中  
銅駝猶望霓旌出

臬署拒霜花甚盛廉鎮朱石君命余賦之爰成二  
律

巴蜀遙傳一瓣香白蘋紅蓼伴寒塘深根積歲纔舒錦  
老幹橫秋豈畏霜膩粉細堆宮紙潤絳衣晴緝海綃涼  
西風珍重休搖落要與黃花鬪晚芳

朝昏粧抹幾番新變相牟尼幻復真照去銀鐙偏有燄

洗來珠露更無塵臨波錯賦觀荷句倚檻渾疑滯酒人  
聽到桁楊聲靜處栢臺秋樹亦生春

張南坪太守招飲林氏園亭與黃莘田明府沈叔  
園廉鎮吳鄭公編修同賦

無諸城北春光和風爐蠻榼林塘過客中暇日長似歲  
不有園園焉消磨二三朋舊觴咏足豈必金谷蘭亭多  
一拳窈窕吸雲石幾尺高下分巖坡陰森木襍今古樹  
絡以薜荔兼藤蘿小桃一枝發紅萼半面現出濃粧娥  
迴廊百步平沼上闌干影動琉璃波老魚少魚爭活潑  
堂堂策策穿蒲荷清言發座豔於雪新酒照眼黃如鵝

不勝杯杓甘作賦步松擊鉢寧嫌苛年來膽麤手復硬  
媿無逸句凌陰何

題十三國番夷圖

聖王御宇開明堂播宣聲教訖萬方雕題鑿齒識海水  
西鰈游泳東鸛翔幅員肆拓章亥步沐日浴月連扶桑  
鷺門堂堂立天險一十三國通飛航圖成王會闔立本  
蠻雲汗漫攀南羌靈鰲背上沐齊出何年苗裔畱窮荒  
迷離呂宋青一髮七十二更煙水長裁編巨艦銜尾泊  
就中半據紅夷商安南大地矜富庶漢爲交趾周越裳  
芙蓉雙影弄蛇戟伏波撻伐妖姬僵將軍墓木灰已久

至今銅柱撐穹蒼五畿十道形勝鉅是曰日本倭奴藏  
巫簫賽社佛日麗庭除磨洗兼坊廂蛾眉淡掃脂粉絕  
瑠鍤玳瑁成釵梁如雲綠髮長委地熏以蘇合旃檀香  
鴛鴦衾枕同臥起龍羹偏禁同甌嘗鱗鱗簪屋繞溪澗  
汶來蘇祿爭低昂北里南鄰開鐙市銅鉦四應聲鏘鏘  
徐夫人死七首鈍黑金百鍊新標鎗毫末著膚人必斃  
刺狐射鹿豪猪獐暹羅傳自赤眉種滇池水脈穿微茫  
長年酷暑羣裸袒那知冰雪隨風霜尸羅瞳失幾千載  
睚眦炯炯猶生光昏黃月落工變化遊魂在地魄在床  
羶奴蒼狗滿邨舍性貪糞塊如蜣蜋河魚腹疾人夜怖

三瀦四濯清流旁炊煙不舉東埔塞一瓢寒水吞黃粱  
南天炎瘴海氣毒淡巴菰嚼番檳榔呿嘮柔佛麻喇甲  
小金錢鑿花瓣黃筐中銀幣通上國機內綰布誇西洋  
咬嚙吧爲荷蘭占馬辰亦畏紅毛強上流浸毒飲外寇  
寇皆棄礮奔倉皇天生銅鑽稱至寶密室燄奪鎧輝煌  
如拱高價逾十萬諸番爭購藏金箱昔者吳生畫地獄  
夜叉鬼母窮毫芒誰歟寫此種種相高顙深目髯奮張  
或裹青綾掩髮額或圍文綺無禪襠縫人半泯鍼線迹  
少女多作兜羅粧駸駸跣足十居九亦有絲履縈文章  
不重貂蟬重雉尾吹羅晏響烹牛羊好則人兮怒則獸

終身佩刃嚴軍裝紅藤碧簟象齒器文犀翠羽明珠璫  
珊瑚殷紅玉碧色龍涎椒桂伽楠芳鮮新腴厚甘脆味  
山海珍錯靡不臧佑人遠集荆興冀雍梁徐豫青兗揚  
咸資大利入中土乘風歲歲懸帆檣納琛奉費重譯至  
天朝封冊褒稱王爾疆爾圉惟爾治來歸正朔民皆良  
懷柔

恩澤浩無浹羣蠻抃舞樂且康無龍之國出日鄉奇奇  
咄咄尤難量茲猶稊米拾太倉已驚瑰異殊尋常繪聲  
繪色彌海疆須彌芥子宜端詳

泊鷗山房集卷二十六終